

- (4) Novoimenovani član Koordinacionog tijela iz stava (3) ovog člana imenuje se na mandatni period do isteka mandata svim članovima Koordinacionog tijela.
- (5) Institucija vlasti/nevladina organizacija može predložiti zamjenu za imenovanog člana što će se detaljnije regulirati Poslovnikom.
- (6) Koordinaciono tijelo može, po potrebi, angažirati i predstavnike drugih nadležnih domaćih i međunarodnih tijela i nevladinih organizacija za određena stručna pitanja.

Član 3.

(Zadatak)

Članovi Koordinacionog tijela vrše sljedeće zadatke:

- a) koordinacija aktivnosti iz oblasti pomoći žrtvama mina, kasetne municije i eksplozivnih sredstava zaostalih iz rata te osiguranje saradnje između nadležnih državnih, entitetskih i institucija Brčko distrikta BiH te nevladinog sektora u Bosni i Hercegovini te međunarodnih organizacija;
- b) podizanje svijesti o problemima i potrebama žrtava mina i promocija problema žrtava u društvu te iniciranje pomoći žrtvama mina na domaćem i međunarodnom planu;
- c) procjenjivanje stanja implementacije međunarodnih konvencija iz oblasti žrtava koje je prihvatila Bosna i Hercegovina, te poticanje donošenja mjera za unapređenje stanja i bolju saradnju sa međunarodnim organizacijama;
- d) izrada projekata, planova i dokumenata sa ciljem unapređenja društvenog položaja žrtava, promocija ljudskih prava žrtava kao i pružanje podrške svim akterima u oblasti pomoći žrtvama te praćenje provedbe istih;
- e) učesće u pripremi izvještaja o stanju žrtava mina u Bosni i Hercegovini te učesće u pripremi izvještaja o provedbi međunarodnih konvencija koje se odnose na prava žrtava iz člana 2. ove odluke.
- f) davanje preporuka, sugestija i mišljenja na zakonske i podzakonske akte i projekte koji se odnose na prava žrtava.

Član 4.

(Mandat)

Članovi Koordinacionog tijela imenuju se na period od četiri godine i mogu biti ponovo imenovani.

Član 5.

(Poslovnik)

Koordinaciono tijelo će u roku od 60 dana od dana imenovanja članova, na konstituirajućoj sjednici, dvotrećinskom većinom glasova, donijeti Poslovnik o radu kojim će se utvrditi način rada i odlučivanja kao i druga pitanja značajna za rad.

Član 6.

(Administrativno-tehnička podrška)

Administrativno-tehničke poslove obavljat će BHMAC.

Član 7.

(Upotreba pečata)

Koordinaciono tijelo koristit će pečat Ministarstva civilnih poslova Bosne i Hercegovine - Komisije za deminiranje u Bosni i Hercegovini.

Član 8.

(Izještavanje)

Koordinaciono tijelo o svom radu i stanju u oblasti zaštite i podrške žrtvama mina podnosi godišnji izvještaj Ministarstvu civilnih poslova Bosne i Hercegovine koje ga dostavlja Vijeću ministara Bosne i Hercegovine, na usvajanje.

Član 9.

(Finansiranje)

- (1) Članovi Koordinacionog tijela nemaju pravo na naknadu za rad u istom.
- (2) Naknadu troškova prijevoza svojih članova u Koordinacionom tijelu finansirat će državne, entitetske i institucije Brčko distrikta BiH te nevladine organizacije.

Član 10.

(Prestanak važenja drugih Odluka)

Danom stupanja na snagu ove odluke prestaje da važi Odluka o formiranju radne grupe za koordinaciju poslova u oblasti pomoći žrtvama mina Komisije za deminiranje u BiH, broj 15-36-24-283-34/16 od 17.06.2016. godine.

Član 11.

(Stupanje na snagu)

Ova odluka stupa na snagu danom donošenja i objavljuje se u "Službenom glasniku BiH".

VM broj 196/18
23. maja 2018. godine
Sarajevo

Predsjedavajući
Vijeća ministara BiH
Dr. Denis Zvizdić, s. r.

Na temelju članka 5. Konvencije o zabrani kasetne municije ("Službeni glasnik BiH", broj 09/10), članka 17. i članka 22. stavak 1. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), a u svezi s člankom 6. stavak (3) Konvencije o zabrani uporabe, gomilanja, proizvodnje i prometa protupješačkih mina i o njihovom uništenju ("Službeni glasnik BiH", broj 20/99), Vijeće ministara Bosne i Hercegovine, na 143. sjednici, održanoj 23. svibnja 2018. godine, donijelo je

ODLUKU

O OSNUTKU KOORDINACIJSKOG TIJELA BOSNE I HERCEGOVINE ZA POMOĆ ŽRTVAMA MINA, KASETNE MUNICIJE I EKSPLOZIVNIH SREDSTAVA ZAOSTALIH IZ RATA

Članak 1.

(Predmet)

Ovom Odlukom osniva se Koordinacijsko tijelo Bosne i Hercegovine za pomoć žrtvama mina, kasetne municije i eksplozivnih sredstava zaostalih iz rata (u daljnjem tekstu: Koordinacijsko tijelo) kao stalno, stručno i savjetodavno tijelo Ministarstva civilnih poslova Bosne i Hercegovine, određuje se sastav, zadaće i druga pitanja iz opsega rada Koordinacijskog tijela.

Članak 2.

(Sastav)

- (1) U sastav Koordinacijskog tijela imenuju se zastupnici tijela i institucija Bosne i Hercegovine, entiteta i Brčko distrikta Bosne i Hercegovine te zastupnici nevladinog sektora, i to:
- a) Ermin Terko - Ministarstvo civilnih poslova Bosne i Hercegovine - predsjednik;
- b) Željko Volaš - Organizacija amputiraca UDAS Republike Srpske - zamjenik;
- c) Oliver Soldo - Ministarstvo za pitanje branitelja, Hercegovačko-neretvanski kanton - zamjenik;
- d) Dragica Knežević - Ministarstvo civilnih poslova Bosne i Hercegovine - član;
- e) Esma Palić - Ministarstvo rada i socijalne politike Federacije Bosne i Hercegovine - član;
- f) Slaven Vidović - Centar za uklanjanje mina u Bosni i Hercegovini - član;
- g) Mr. Andreja Subotić Popović - Ministarstvo rada i socijalne politike Republike Srpske - član;